



**Clara Et Praeclara Methodus Parandæ Eloquentiæ,
Secundùm Doctrinam & Præcepta Cypriani Soarii è
Societate Jesu, Ad Captum Et Praxim Faciliorem
Accommodata**

Worpitz, Georg

Coloniæ Agrippinæ, 1700

Caput 19 [i. e. 18]. De Ironia.

[urn:nbn:de:hbz:466:1-68908](https://nbn-resolving.de/urn:nbn:de:hbz:466:1-68908)

C A P U T XVIII.

De Ironia.

Quid hæc sit ex jam dictis est manifestum ; nempe quèd sit allegoria , vel sermo contrarium significans cum illusione seu sarcasmo , quæ illusio & irrisio verbis , & eorum significationi non est intrinseca , sed superadditur . Fit autem hæc irrisio , vel gestu ludrico , vel risu , vel voce . Quando autem notum est Auditoribus , quòd res vel persona habeat contrarium , atque aliud quam dicimus , tum sine irrisione , voce , vel gestu facta serio pronunciari potest aliquid , sicutque cum eo majori gratia . quòd magis dissimulatur . v.g. Cicerò Verrinā ultimā , post Verri's injustitiam , & negligentiam in administratio-ne Siciliæ demonstratam exclamat . Ver- res homo sanctus , & diligens . Sic veteri verbo dicitur : Paulus est valde casnar , pro non valde senex , casnar enim senem apud veteres significabat . Item : Servus iste hoc ex-pedivit sat topper , prò non sat citò , topper enim priscis idem erat , quod citò . Idem pro Rabinio : Tarquinii superbissimi , atque cru-delissimi Regis ista sunt cruciatū carmina , quæ tu homo lenis ac popularis liben-tissimè commemoras , caput obnubito , arbori infelici suspendito . Pronuntiatione cognoscitur si dicas : ô lepidum caput , ô sci-um , ô urbanum hominem : videte amabò

T 4

pru-

296 *De Extractione Argumentat.*
prudentiam hominis. Næ iste mihi sit doctissi-
mum caput. O præclarum custodem ovium,
ut ajunt, lupum. *Personâ*, ut si parvum vocem
gigantem. Neronem mitissimum Imperato-
rem, caminarium albicantem, cretæ simili-
num, aut si de divite, sed avaro dicam: pauper-
rimus Irus est, sui inopia propediem ipsum
coget stipem querere. Si de vetula rugosa &
deformi dicam: pulcherrima Helena est, rosâ
gratiösior. De pigro vix pedes movente, volat
sicut sagitta, de voraci, abstemius est, semel in
die comedit, sed à manè usque ad noctem &c.
Rei naturâ, ut si defumanti jusculo, cuius gustu
labrum adussi, dicam: quam frigidum est! de
glacie: quam calida est. De saxe strato;
quam molle est hic cubare! de carbonibus igni-
tis, quam formosæ, gratæque rosæ! Quod
si res, aut persona ignota sit, potest adjici vox,
aut constructio, quam exponatur nos ironice
loqui. v. g. quam generosus miles, qui ad
conspectum hostis trepidat: o præclarum cu-
stodem ovium, ut ajunt. Est gratiösus, sicut
porcellus. Est velox sicut testudo. Es studio-
sus sed in poculis, non libris. Plaurus: is etiam
sapere memorat, malleum scilicet sapientio-
rem esse manubrio. Sic etiam dicere possumus:
Discipulus est scilicet supra Magistrum. Non
destituitur hoc tropo sacra pagina, quin prin-
cipio statim, post affectatam ab Adamo & Eva
divinitatem, ironice locutus est Deus ad pa-
rentes primos pellico indutos: Ecce Adam
quasi unus ex nobis, ita interpretatur Ru-
perg.

pertus. Credibile est & dæmonem ironice locutum, quando dixit. Nequaquam moriemini, sed eritis sicut dii scientes bonum & malum. 3. Reg. 18. cum sacrificuli Baal idolum suum invocarent, ut igne de cælo lapsi sacrificium consumeret, neque tamen veniret, illeudebat illis Elias dicens: Clamate vocem majori, Deus enim est, & forsitan loquitur, aut in diversorio est, aut in itinere, aut eerte dormit ut excitetur. Judic 10. cum Judæi malis premerentur, quod cultum veri Dei reliquissent, & idolis servivissent, ad Deum confugerunt, ut liberaret eos, quibus Deus ait: Ite & invocate Deos, quos elegistis, ipsi vos liberent. Ironiam eum Sarcasmousa est quoque Michol filia Saulis, quando Davidi, quod coram arca saltasset, sic oblocuta est. Quam glriosus fuit hodie Rex Israel, dilcooperiens se ante ancillas servorum suorum, & nudatus est quasi si nudetur unus de scurris. 2. Reg. 23. Ipse quasi tenerrimus ligni vermiculus, qui octingentos interfecit impetu uno Job. 2. uxor ejus sic miseriis oppressum alloquitur: adhuc tu permanes in simplicitate tua? benedic Deo, & morere. Ubi benedicere pro maledicere accipitur, quemadmodum &c. 1. v. 5. nè forte pecaverint filii mei; & benixerunt Deo in cordibus suis Marc. 7. Dicit Christus Pharisæis: bene irritum facitis præceptum Dei, ut traditionem vestram servetis. Nec ignorabant milites Ironiam, dicebant enim ad Christum Matt. 27. Ave Rex Judæorum,

T 5

& ex-

298 *De Exornatione Argumentat.*
& expuentes' in eum acceperunt arundinem
& l'percutiebant caput ejus.]

Dubitari potest hic 1. an non Ironia sit mendacium, cùm aliud verbis dicat, aliud in mente & sensu habeat. Respondeo Ironiam esse orationem falsam spectatis præcisè verbis, non tamen fallacem, quia non intendit decipere cùm non velit hoc significari quod verbosant. Sed neque mendax est, quia vi & beneficio tropi hujus verba habent illam significationē, quam Orator habet in mente, tali enim casu non habent communem, & ordinariam significationem', sed ab illa transferuntur ad contrariam, & sic non discrepant à mente Oratoris. Præterea mentiens intendit, ut verba ab audiente accipientur, sicut ordinariè sonant; at Orator hoc non intendit, sed ut in contrariam significationem trahantur, in eam nempe, quam ipse habet in mente.

Dubitari potest 2. an Ironia sit tropus sermonis, uti esse debet, cùm sit idem cum allegoria, quæ cum periphrasi, hyperbole, & hyperbato tropus est, non in uno verbo consistens, sed in pluribus, etiam in tota constructione. Cur vero esse non videatur, est, quia bellum, lucus, Parce &c. contrarium significant uno verbo. Bellum enim dicitur, quod sit minimè bellum, Lucas, quod minimè lecat; Parce, quod minimæ parcant. Respondeo in his nullam esse Ironiam, ad hanc enim non est satis ut contrarium significet, sed præterea deberet habere significationem aliam pro-

propriam, à qua transferatur ad contrariam, alioqui Ironia non esset tropus, quia nil transferret: bellum autem non habet aliam significationem, quam propriam, neque lucus, neque Parcæ, unde ad Antiphrasim puram revocari debent, quæ non est semper tropus, nisi coincidat cum Ironia. Verum quid ad hæc? dum altus pro profundo, profundus pro alto accipitur v. g. cælumque profundum, pelagus altum. Item auri sacra fames, sacer moribus, sacer ignis pro execrandus, & novissimus pro primo, primus pro novissimo. Respondeo in his esse catachresim non Ironiam; cum enim altus & profundus sint correlativa, atque secundum rem idem (idem enim quod est altum, est etiam profundum, licet non eodem respectu, seu ut Philosophi loquuntur formaliter) accipitur vicinum & propinquum pro proprio. Similiter sacer & execrandus affinia sunt, & in hoc similia, quod cum cæremoniis sacris utrumque peragatur, sed unum in bonam, alterum in malam partem ac finem, Major difficultas oriri potest in allatis supra exemplis pro Ironia, quomodo non sit tropus, in uno tantum verbo: v. g. dicendo, ô mitissime Nero, ô præclare Imperator Ver-
tcs, verè homo sanctus & diligens &c. tum enim in sola voce, mitissimus, præclarus, san-
ctus diligens ironia esse videtur, relata verò adjici propter constructionem, non secus ad dūm dico latet segeres, ubi tropus est in sola voce latet: alterum adjicitur solum ad sensum, tanquam modisicatum. Responderi posse:

300 *De Exornatione Argumentat*
test : in Ironia requiri reliqua non tantum
ideo, ut sit perfectus sensus quoad syntaxin &
constructionem , sed etiam ideo , ut sit sensus
contrarius illi verbo, quod dicitur de aliquo;
ex eo enim quod addatur *santō vel diligēti*
Verres , intelligitur sensum in oratore esse
contrarium, quod si diceretur de Catone v.g.
jam intelligeretur nō esse contrarium sensum,
ei namque hoc vere conveniret.

C A P U T XXI.

De Periphrasi.

Periphrasis est Tropus , qui plurium ver-
borum significationem ponit pro significatio-
ne unius , atque ideo est tropus sermonis , &
dicitur *circumscrip̄io* , *circumlocutio* , *circui-*
tus loquendi. Utimur autem periphrasi
necessitatis causā , quando scilicet deest , aut
menti non occurrit vox , aut nomen propri-
um , v.g. pro ire in posta ; Iter facere per dispo-
sitos variis in locis equos ; pro musqueta , ma-
china bellica ad pilam plumbi minorem vi
pulveris pyrii emittendam , trājiciendumque
hostem confecta ; pro exhäuserdatus est ; lati-
nè dicitur paternis facultatibus per juris di-
spositionem privatus , vel bonis paternis legi-
timā cautione destitutus. Sic si nominare
nesciam hominem , vel domum , vel librum ,
vel quid simile ad hoc denotandum utor
circum locutione v.g. est Senator , habet tales
& ta;